

Cæterum ex maxima parte montuosa est. Porro octava Lucania, quæ nomen à quodam luco accepit, à Silere fluvio inchoat cum Brutia, quæ ita à Regina quondam suæ nomine appellata est, usque ad fretum Siculum, per ora maris Thyrræni, sicut & duæ superiores, dextrum Italiæ cornu tenens, pertingit, in qua Pæstus & Lanius, Cassianum & Consentia, Rhegiumque sunt positæ civitates.

Æmia à Liguria incipiens inter Apenninas Alpès & Padi fluente versus Idem cap. 18.
Ravennam pergit. Hæc locupletibus urbibus decoratur, Placentia scilicet, Parmaque, Regio, & Bononia, Corneliique foro, cujus castrum Imolas appellatur. Extiterunt quoque qui Æmiliam & Valeriam, Nursiamque unam provinciam dicerent: sed horum sententia stare non potest, quia inter Æmiliam & Valeriam, Nursiamque, Thüsicia & Umbria sunt constitutæ.

Flaminia inter Apenninas Alpes & mare est Adriaticum posita, in qua no- Idem cap. 19.
bilissima urbium Ravenna, & quinque aliæ civitates consistunt Græco vocabulo Pentapolis dictæ. Constat autem Aureliam, Æmiliamque, & Flaminiam, à constratis viis, quæ ab urbe Roma veniunt, & ab eorum vocabulis à quibus sunt constratæ, talibus nominibus appellari.

Post Flaminiam Picenus occurrit, habens ab Austro Apenninos montes, ex altera verò parte Adriaticum mare. Hæc usque ad fluvium Piscarium pertendit, in qua sunt civitates, Firmus, Asculus, & Pinnis, & vetustate consumpta Adria, quæ Adriatico pelago nomen dedit. Hujus habitatores cum à Sabinis illuc properarent, in eorum vexillo picus consedit, atque hac de causa Picenus nomen accepit.

Valeria, cui est Nursia annexa, inter Umbriam & Campaniam Picenum- Idem cap. 20.
que consistit, quæ ab Oriente Samnitum regionem attingit. Hujus pars occidua, quæ ab urbe Roma initium capit, olim ab Etruscorum populo Etruria dicta est. Hæc habet urbes Tyburim, Carsilis, Reate, Furconam, & Amiternum, regionemque Marforum, & eorum lacum, qui Fucinus appellatur. Marforum quoque regionem idè intra Valeriam provinciam æstimo computari, quia in Catalogo provinciarum Italiæ minimè ab antiquis descripta est.

Samnium inter Campaniam & mare Adriaticum, Apuliamque à Piscaria Idem ibidem
incipiens habetur. In hac sunt urbes; Theate, Aufidena, Hisernia, & antiquitate consumpta Samnium, à qua tota provincia nominatur, & ipsa harum provinciarum caput ditissima Beneventus. Porro Samnites nomen accepere olim ab hastis, quas ferre solebant, quasque Græci Samia appellant.

Apulia, cum sociata sibi Calabria, eidem Reçtori subjecta, ab Occidente Idem cap. 21.
vel Africo habet Samnium & Lucaniam, à Solis verò ortu Adriatico Pelago finitur. Habent urbes satis opulentas Luceriam, Sepontum, Canusium, Agerentiam, Brundisium, & Tarentum, & in sinistro Italiæ cornu, quod quinquaginta millibus extenditur, aptam mercimoniis Hydruntum. Apulia autem à perditione nominatur, citius enim Solis fervoribus terræ virentia perduntur.

Sicilia insula Thyrræno mari seu Ionio alluitur, de Stæculi Ducis proprio nomine nuncupata. Sequitur Corsica insula, & non longè ab illa distans Sardinia, quæ utræque Thyrrænis fluctibus ambiuntur. Porro Corsica à Duce suo Corso. Sardinia à Sarde Herculis filio nominatur.

Certum est tamen Liguriam & partem Venetiæ, Æmiliam quoque Flaminiamque, Idem cap. 22.
veteres Historiographos Galliam Cisalpinam appellasse. Inde est, quod Donatus Grammaticus in expositione Virgilii Mantuam in Gallia esse dixit. Indeque est quod in Romana Historia legitur, Ariminum in Gallia constitutum. Siquidem antiquissimo tempore, Brennus rex Gallorum, qui apud Senonas urbem regnabat, cum trecentis millibus Gallorum Senonum ad Italiam venit, eamque usque ad Senogalliam, quæ à Gallis Senonibus vocitata est, occupavit.

Hæc.